

黑龍江鄉土志



林真濟

LING ZHEN JAI

黑龍江鄉土志

閩侯林傳甲奎騰撰

歷史

第一課 上古石刀期

上古人類。初有知識。多用石器石刀。仲尼曰。肅慎氏貢楛矢。石弩長尺有咫。說文石可爲矢鏃。文字未興以前。惟石器可考也。

第二課 開闢

上古世界皆荒地。名曰洪荒。聖人開闢草萊。乃有居處飲食。黑龍江開闢最遲。有田地二百二十萬晌。其荒地六千七百五十萬晌。猶洪荒也。

第三課 洪水

五千年前。天降洪水。平地如大海。漸落漸低。遂成江河。黑龍江匯合衆流。爲塞外巨川。今省城附近平原。爲嫩江瑚裕爾河。水退所成。

第四課 伏羲

上古草木暢茂。猛獸偪人。伏羲氏出。始教民佃漁。如鄂倫春人之打牲。又養犧牲充庖廚。如蒙古人之游牧。邊氓風氣淳古。如在羲皇以上矣。

第五課 神農

神農氏教民種五穀爲食。嘗百草爲藥。黑龍江雖打牲游牧之地。墾務旣興。農業漸盛。遼之始祖奇首。系出於炎帝。其來遠矣。

第六課 黃帝

黃帝爲黃色人。遠祖漢滿蒙回藏。皆黃色人。自黃帝建都涿鹿。北逐葷粥。其子昌意淳維。漸殖民於黑龍江。

第七課 堯典宅朔方

堯命和叔宅朔方。曰幽都。以正冬至。蓋天算地輿。必重實測。今湯原墨爾根。有觀測所。敬授民時。重農時也。

第八課 虞舜通息慎

史記舜本紀。龍主賓客遠人至。各以其職來貢。至於荒服五千里。北發山戎。息慎。息

愼卽肅愼。弓矢爲東夷發明利器。故騎射尙焉。

第九課 禹貢荒服

禹貢黑水入南海。今日之黑水入東海。然黑龍江距舜都蒲阪。直徑二千五百里。實
在禹貢荒服之中。鄒伯奇作五服圖。存於學計一得焉。

第十課 周髀言北極

周公問算於商高。作周髀。言北極之下。夏有不釋之冰。半年爲晝。半年爲夜。北極更
在黑龍江北。足見殷商之王會。遠及於其龍也。

第十一課 周之北土

史記周成王伐東夷。息愼來賀。息愼又作肅愼。左傳周景王曰。肅愼燕亳。吾北土也。
蓋肅愼在燕之北。成周已視爲領土矣。

第十二課 秦築長城棄北貉

北貉無城郭宮室。五穀不生。惟黍生之。戰國時二十取一。及匈奴強。燕趙築長城防
之。秦始皇又築之。起遼東。長萬里。黑龍江遂棄於塞外。

第十三課 匈奴尊漢

秦亡天下歸漢。時匈奴滅東胡。有今日滿蒙之地。與漢通朝貢。今關外猶稱內地爲漢人。用漢語漢文。漢末烏桓興。卽烏拉部也。

第十四課 郭璞註山海經黑水

山海經曰。望幽都之山。浴水出焉。晉郭璞註云。卽黑水也。黑水之名始此。與他處黑水不同。

第十五課 北魏鮮卑山

黃帝少子昌意。受封大鮮卑山。卽外興安嶺。今爲悉俾爾。後推寅遷大澤。卽呼倫湖。鮮卑入華。號元魏。

第十六課 索頭部

晉朝渡江南。經宋齊梁陳爲南朝。鮮卑索頭部。并五胡十六國爲北朝。南朝呼北朝爲索虜。索卽髮辮也。今相傳爲索倫部。

第十七課 勿吉國

北魏書勿吉舊肅慎國穴居屋形似冢開口於上以梯出入今穴居者名窩集轉音爲沃沮沃稽。

第十八課 失韋卽室韋

北魏書失韋在勿吉北千里有大水從北而來廣四里餘名柰水失韋國今室韋山并擬設室韋縣柰水今嫩江也。

第十九課 靺鞨

隋書靺鞨在高麗北凡七種黑水部尤爲勁健多粟麥生鹽人皆射獵爲業惟粟末白山與隋爲近。

第二十課 唐設黑水府

唐開元時黑水靺鞨之酋倪屬利稽來朝拜爲勃利州刺史賜名李獻誠置黑水都督府隸安東都護。

第二十一課 俱倫泊

唐書室韋逐水草而居有嶺西山北部今室韋山是其俱倫泊卽呼倫泊河南蒙瓦

卽蒙古。

第二十二課 契丹

契丹自北魏時居松漠。唐時賜印稱藩。貢豐貂名馬。五代時并奚靺鞨室韋靺鞨渤海。國號遼。

第二十三課 遼之北境

遼史地理志。疆域北至臚胸河。卽克魯倫河。屬國有黑車子室韋。黃皮室韋。皆河之下游東岸地。

第二十四課 道宗泛舟黑龍江

遼史道宗本紀。太康三年春正月癸丑。如混同江。夏四月乙酉。泛舟黑龍江。黑龍江三字始見於此。

第二十五課 黑龍江殿黑龍門

遼史地理志。祖州本太祖秋獵地。有殿曰黑龍。太祖陵有門曰黑龍。可見遼人注意黑龍江。取以爲名。

第二十六課 生女真朝貢於遼

遼天祚帝幸混同江。生女真酋長在千里內者。皆來朝。阿骨打不肯起舞。帝欲誅之。未果。遂有叛志。

第二十七課 遼金大戰於肇州

女真阿骨打兵滿萬。敗遼兵七十萬。以出河店爲肇州。肇基王迹。建國白山黑水間。國號金。姓完顏。

第二十八課 金人築長城

金破宋。兀朮乘勢而驕。爲蒙古所敗。築長城。名泰州邊堡。起布特哈西路。直抵直隸圍場。山西歸化城。

第二十九課 宋徽欽之北狩

金人渡河南。破汴梁。擒徽宗欽宗父子。囚之五國城。外紀言在黑龍江境。或言三姓北。或言在呼蘭府。今東清鐵路宋站。掘地得崇寧古錢極多可證。

第三十課 金源國號

金源國號。謂黃金不壞。完顏二字。譯其意爲金。金史金銀坑冶。許民開採。二十分取一爲稅。

第三十一課 元起斡難河
金末蒙古主成吉思汗。起斡難河上。一名敖嫩河。卽黑龍江發源處。今爲外蒙古車臣汗地。有和林古城。

第三十二課 成吉思汗
元太祖成吉思汗。統蒙古兵。滅俄羅斯。今東清鐵路。有成吉思汗車站。卽汪古部嚮導。南出界垣處。速不台戰於長城之南。卽指此也。

第三十三課 乃顏故城
元世祖統一中國。北邊諸王不服。統漢兵。滅乃顏。其故城在通肯河頭道溝南。屬拜泉縣。兩城相連。

第三十四課 元設合蘭府
金置合懶路總管府。元設合蘭府。水達達等路。分領混同江南北。有合蘭河。產海東

青。今呼蘭府是也。

第三十五課 弘吉刺城

元朝弘吉刺氏特薛禪。從太祖起兵有功。生女世世爲后。故城在呼倫貝爾。其塔塔兒部。在烏爾順河邊。

第三十六課 金元時卜魁沿革

金史蒲與路置萬戶。改節度使。元史合蘭府有字苦江。卽卜魁之本音。舊卜魁站在嫩江之西。

第三十七課 明洪武時北征

明太祖起兵逐元順帝出塞。洪武二十一年。命藍玉王弼北征。元主脫古歡帖木兒遁。大勝於捕魚兒海。卽貝爾湖也。

第三十八課 明永樂時北征

明成祖都北京。三次親征出塞。經闊灤海子卽呼倫泊。賜臚胸河名飲馬河。阿魯台遁。前鋒至答蘭納木兒河追之。

第三十九課 明代兵衛

明史兵志奴兒干都司三百八十四衛。有屯河衛。木蘭河衛。黑龍江地方。莽亦帖站。黑龍江忽里平寨。

第四十課 明代金石

布特哈有洪武古印。文曰朶顏衛千戶所。黑龍江海口廟爾。永寧寺廟碑。刊永樂宣德年號。述太監征苦夷事。苦夷卽庫頁也。

第四十一課 清太祖征尼堪外蘭

有清太祖。起自滿洲。始征尼堪外蘭。克鄂勒歡城。在省城西南三十里。遂下克伊特城。果多城。鄂吉岱城。皆在境內。尼堪者漢也。外蘭者筆帖式也。

第四十二課 太宗經營黑龍江

太宗天聰九年。命副都統霸奇蘭。逾黑龍江。收撫未服壯丁。使犬赫哲。使鹿費雅喀。皆次第歸化。

第四十三課 索倫與蒙古競爭

崇德元年。索倫爲科爾沁侵掠。五年遣穆什哈征索倫。俘其壯丁。六年徵蒙古兵。征索倫叛人博木果。

第四十四課 順治征黑龍江

順治初。命梅楞章京俄羅塞臣巴都哩。率師征黑龍江。置戍兵。墨爾根諸部。入貢白馬。

第四十五課 康熙經營新滿洲

康熙十年。墨爾哲勒氏屯長來歸。編墨爾根佐領。號新滿洲。科爾沁獻嫩江地。錫伯卦察達瑚爾壯丁。

第四十六課 羅刹南侵

羅刹一名邏車。今俄羅斯。順治時俄兵至黑龍江上游。築雅克薩城。尼布楚城。阻我索倫貂貢。

第四十七課 始設黑龍江將軍

康熙二十二年。征羅刹。始設黑龍江將軍。駐舊愛琿。在江之東北岸。遠控外興安嶺。

精奇里江流域。

第四十八課 彭春築城

康熙二十二年。遣都統彭春征羅刹。築墨爾根城。齊齊哈爾城。戍之。置十驛。通水運。並斷其貿易。

第四十九課 呼馬爾駐兵

副都統郎談。自打虎兒索倫還。奏羅刹情形。命寧古塔將軍巴海。副都統薩布素。統兵駐呼馬爾防之。

第五十課 林興珠之籐牌兵

康熙二十四年。遣鑾儀使建義侯林興珠。赴彭春軍。參贊軍務。率福建籐牌兵四百人。攻雅克薩城。

第五十一課 康熙時督耕屯田

康熙二十四年。命副都統班達爾沙。偕佟寶薩海。督耕。二十五年。命副都統馬喇。往督屯田黑龍江。

第五十二課 張鵬翮勘界

康熙二十七年命理事官張鵬翮。兵科給事中陳世安。赴鄂羅斯定邊界。拓外興安嶺爲界。控制甚遠。

第五十三課 聖祖賜俄國書

康熙時通商各國。荷蘭國最早。聖祖因羅刹犯邊。賜書責俄羅斯。由紅毛船寄之。彼得復書請議和。

第五十四課 尼布楚定約

俄羅斯遣使臣費要多羅至尼布楚。命領侍衛內大臣索額圖往會議。共相盟誓。永歸和好。

第五十五課 五體界碑之屹立

尼布楚界約成。勒石格爾必齊河。用滿漢蒙俄喇提諾五體文。大興安嶺至海爲界。雅克薩所居俄人撤回。

第五十六課 水師營

康熙時松花江黑龍江嫩江皆設水師營。省城西有船塢。有御船龍船輕船戰船運船。以防禦羅刹。今水師營署已改警察廳。

第五十七課 火器營制

康熙二十三年設黑龍江火器營。專派參領一員。仿用西洋槍礮。今西法日精。舊營已改爲龍江高等小學校。

第五十八課 將軍之內徙

艾琿舊城在江東北。控江北地甚遠。康熙二十九年遷墨爾根。三十八年遷齊齊哈爾。遂不能控制遠方。江表遂視爲甌脫。

第五十九課 八旗官制

清初分八旗。廂黃、正黃、廂紅、正紅、廂白、正白、廂藍、正藍。每旗設協領一員佐領五員。下有驍騎校領催馬甲水師營別設總管四五六品官。

第六十課 五司之制

將軍衙門設管檔主事。曰堂司。理刑員外郎。銀庫司主事。及兵司掌武職。戶司掌財。

賦工司掌工程。

第六十一課 官學舊制

康熙三十四年。設兩翼助教。習國書。乾隆九年始設漢官學。嘉慶初設漢義學。學生廿人。歲費百金。龔光瓚爲教習。

第六十二課 雍正定養廉界務

雍正五年。命賚黑龍江將軍養廉銀二千兩。額駙策凌與俄使薩瓦定界。約束俄人越界。准其留學京師。

第六十三課 乾隆倉穀

乾隆十三年。撥吉林伯都訥倉穀二萬石。至齊齊哈爾。備賑。設倉官。今裁。倉坊今改公園。鄉賢祠。俄領署。

第六十四課 乾隆距俄約

乾隆二十二年。改泥撲處爲尼布杵。刊於時憲書。俄人請由黑龍江挽運本國口糧。上以其違約不許。

第六十五課 乾隆探河源

將軍富僧阿。奏瑚爾起探格爾畢齊河。納林布探精奇里江。偉保探西里木第河。阿迪木保探鈕曼河。乾隆時猶不輕視邊界也。

第六十六課 乾隆名將海蘭察

乾隆武功十全。名將海蘭察。領黑龍江馬隊。攻金川碉卡。平臺灣。至後藏。征服廓爾喀。平苗疆。皆有功。

第六十七課 道光蠲緩逋賦

道光戊申歲賑直隸山東山西湖北湖南安徽水災。展緩齊齊哈爾歉收逋賦。次年又展緩齊齊哈爾逋賦。

第六十八課 御史吳焯請開荒

咸豐初御史吳焯。奏黑龍江呼蘭城迤北。蒙古爾山。荒原百萬晌可墾。及查覆。綽羅河通肯河皆放墾。

第六十九課 咸豐界約之失